

UNTUK SIARAN SEGERA



JABATAN PENDIDIKAN NEGERI SABAH

KENYATAAN MEDIA

JPN SABAH AMBIL TINDAKAN TEGAS INSIDEN PERGADUHAN MURID YANG BERLAKU DI TAWAU

Jabatan Pendidikan Negeri (JPN) Sabah mengambil perhatian serius insiden pergaduhan yang melibatkan beberapa orang murid di luar kawasan sekolah sebagaimana yang tular di media sosial.

Pihak sekolah bersama Pejabat Pendidikan Daerah (PPD) telah mengambil tindakan segera dengan mengenal pasti murid yang terlibat serta menjalankan siasatan dalaman. Insiden ini sedang dalam siasatan pihak Polis dan JPN Sabah memberi kerjasama penuh terhadap proses siasatan yang sedang berjalan.

JPN Sabah menegaskan bahawa walaupun kejadian berlaku di luar sekolah, sebarang bentuk salah laku yang melibatkan murid dipandang serius. Tingkah laku sedemikian bukan sahaja mencemarkan imej institusi pendidikan, malah boleh menjejaskan keselamatan dan kesejahteraan murid. JPN Sabah tidak akan berkompromi dengan insiden salah laku sedemikian dan tindakan tegas akan diambil terhadap murid yang didapati bersalah selaras dengan peruntukan dan garis panduan yang sedang berkuat kuasa.

TAMAT

**JABATAN PENDIDIKAN NEGERI SABAH
16 JULAI 2026**